



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Gratia Delectante Et
Vincente

Družbicki, Kaspar

Ingolstadii, 1732

VD18 90066359

Caput III. Quid sit Gratia delectans, & qui ejus effectus.

urn:nbn:de:hbz:466:1-45367

Sanctâ: illumina nos, inflamma nos, oblecta nos,
ut Gratiæ tuæ gratias referamus omnes, & sem-
per dignas, in sæculum. qui quidquid sumus ex
Gratiâ tuâ sumus, ex nobis autem pauperes ni-
mis sumus: proinde nobis quidem sola debetur
confusio faciei, tibi autem Gloria in sæcula.

C A P U T III.

*Quid sit Gratia Delectans: & qui ejus
effectus?*

Dixit nonne mox antiquorum sapientum. **6.**
Trahit sua quemque Voluptas. non enim **Inf. c. 5.**
animus noster sola (ut ait Aug.) trahitur Veritate:
sed trahitur etiam Voluptate, non ad malum tan-
tum, non etiam ad bonum tantum: sed tam ad
malum quam ad bonum: est enim in bono &
in malo Voluptas sua, animo vix quidquam ma-
gis quam Voluptatem appetenti, & utrobique
animus ita delectatur ut etiam vincatur: nisi
quod quia in bono vincitur, vera sit germanaque
victoria, quia in malo, strages sit potius clades-
que nuncupanda. ideoque etiam delectatio in
bono, Gratiæ est, in malo autem miseriæ &
calamitatis. Quamobrem hic delectationem
ita Gratiæ attribuo Vincentem, ut de eâ solâ lo-
quar, quæ de bono & ad bonum solum este; nam
delectatio quæ ad malum este Morbus cum sit,
delectationis veræ nomen habere non potest:
quem enim morbus unquam delectat, nisi infi-
num & infelicem? Est itaque Gratia Delectans
& Vincens: aliud nihil quam suavitas divinitus
menti infusa, quam mens hominis (sive Voluntas)

A 4

in bo-

in bonum supernaturale pertrahitur in eo quod continetur.

Non sum ignarus Gratiam & Intellectui a fundere doctrinæ lumen, & voluntati impetum appetendi imprimere: sed his in præsenti à nostri consideratione (ut supra dixi) exclusis, solam in eâ suavitatem expendo, non quod hæc solâ inest, sed quod solam investigare propositum sit. Cujus propositi rationem in fine tractatûs hujus afferam, cum primum scilicet Consideratione hanc animum meum satis pascam.

7.
Est ergo Gratia, suave auxilium Dei, quo Deus dum illuminat mentem, dum incitat voluntatem, suavissime etiam lactat eandem, amoremque boni in bono eam continet. Sine hac suavitate divinâ, nemo è luculentis scelerata vita oblectionibus palatum extraxit. sine hac suavitate nemo amaros pœnitentia fructus vel primis labris degustavit. sine hac suaviter nemo, propriæ sensualitati, nemo privato amori, nemo sibi ipsi bellum indixit: Sine hac suavitate nemo arctum cœli iter &c. ingressus, nemo Christi IESU crucem complexus. nemo cœlis facere violentiam ausus est. Hac suavitate volupteque de cœlestibus illis Voluptatum torrentibus tantisper degustata homines Dei operati sunt Justitiam, execrati malitiam, deposuerunt dominum, induerunt simplicitatem, omnibus thesauris Ægypti Christum pauperem, contemptum, crucifixum præposuerunt, facti sunt sibi hostes, JESUS Socii, concives Angelorum, Dæmonibus terribiles, obliti naturæ, obliti consuetudinis malæ, obliti fragilitatis, spes firmati, charitate fortis, fide & tentatione probati, abnegarunt semet ipsos

iplos levaverunt se super se, ascenderunt usque ad scientiam supereminentem Sanctorum. Ea propter. Suavitas ista, Delectatio ista, simul est robur, simul est auxilium, simul est Victoria. sic enim delectat (imò ideo delectat) ut simul roboret, adjuvet, vincat. Hac credo suavitate delinitus delibutusque David canebat: *Dulcis & rectus Dominus.* hanc quoque ab aliis degustari optans hortabatur omnes dicens. *Gustate & vide. te quoniam suavis est Dominus.* Hac suavitate jugum suum inunctum esse Christus Dominus intelligens invitat omnes, ad se dicens: *Venite ad me omnes qui laboratis & onerati estis, & ego reficiam vos. Tollite jugum meum super vos, & invenietis requiem animabus vestris.* Jugum enim meum suave est, & onus meum leve.

C A P U T I V .

*Delectationem Gratiæ intus non foris esse
attendantum.*

S. Gregorius hoc interesse asserit inter bona temporalia & spiritualia, quod temporalia, dum absunt appetuntur, dum ad sunt fastidiuntur. Spiritualia è contra, dum absunt fastidiuntur, dum ad sunt tanto etiam magis appetuntur. Tradidi alibi hujus discriminis causam, hoc loco totam in voluptatem conjicio. Utraque bona, voluptatem habent, sed priora (Temporalia) habent insuperficie, non in interiori substantiâ: Spiritualia certam habent delectationem, non in superficie externâ, sed in substantiâ internâ. Inde fit quod illa quidem quam diu non gustantur placent, gustata displicant: quippe delectatione

8.